

道書集成

九洲圖書出版社

侍帝晨東華上佐司令楊君傳記

群八

紫清上官九華真妃受經君姓楊諱義和  
徽夫人之弟子許仙侯及帝晨度經之師也  
以晉成帝咸和五年庚寅歲九月生為蘭文  
相府時舍人衆真以興寧初多來降至三年  
乙丑歲安妃下嬪此後數降集事迹不願  
云應解劍隱化以泰元十三年戊子歲乃乘  
雲駕龍西謁太素北朝玉清卑執事高佐  
四輔侍宸帝躬總括具越鬼神之司傳記未  
顯於世也九華真妃晉興寧三年歲在乙丑  
六月二十五日夜紫微王夫人見降又與一  
神女俱來神女着雲錦襦上丹下青文采光  
鮮腰中有綠繡帶帶係十餘小鈴鈴青色黃  
色更相參列左帶玉珮珮亦如世間珮但幾  
小耳衣服儼儼有光照朝室內如日下映視  
雲母形也雲母真妃登壇絕倫作髻乃在頂  
中又垂餘髮至腰許指着金銀白珠約臂視  
之年可堪十三四許左右又有兩侍女其一侍  
女着紫衣帶青登蓮子中又持一錦囊囊長  
尺一二寸許以成書書富有十許卷也以白

玉檢檢囊口見刻檢上字云玉清神虎肉真  
然元丹章其一侍女着青衣捧一白箱以絳  
帶束絡之白箱似象牙形也二侍女年可堪  
十七八許整飭非常神女及侍者類容瑩朗  
鮮微如玉五香馥芬如燒香嬰氣者也初來  
入戶在紫微夫人後行夫人既入戶之始仍  
見告曰今日有貴客來相詣論好也於是義  
和即起立夫人曰今日可不須起但當共坐  
自相向作禮耳夫人坐南向作禮耳義和其  
夕先坐承床下西向神女因見就同牀坐東  
向各以左手作禮作禮畢紫微夫人曰此是  
太虛上真元君金臺李夫人之少子也太虛元  
君昔遣諸龜山學上清道通感太上書署為  
然清上官九華真妃者也於是賜姓為安名  
爵壇宇靈齋

紫微夫人又問義和世上曾見有此人不義  
和答曰靈尊高秀元以為喻夫人因大笑於  
爾何如義和不復答紫清真妃坐良久都不  
言妃手中先握三枚棗色如乾棗而形長大  
內无核亦不作棗味有似如梨耳妃先以一

枚見與次以一枚與紫微夫人自留一枚語  
令各食之食之畢良久移時真妃問羲和年  
已幾是何月生羲和答年三十六庚寅歲  
九月生也真妃又曰君師南真夫人司命東  
權至道高妙備寔良德之宗也聞君德音甚  
久不圖今日得叙因緣歡願於冥運之會依  
然有秘羅之經矣羲和乃稱名答曰沉淪下  
俗塵染其質高卑靈邈無緣稟敬猥虧靈降  
欣踊固極唯蒙啓訓以祛其暗濟羲和元元  
夙夜所願也真妃曰君今語不得有誦飭謙  
飭之辭殊非所宜又良久真妃具告曰欲作  
一紙文相贈者便因君以筆運我鄙意當可  
亦手羲和答奉命即登紙染筆登口見受作  
詩曰  
靈閣豎空上 瓊臺竦鬱羅 紫宮乘綠景  
靈輿謁差我 琅軒朱房內 上德煥絳霞  
俯漱靈琰津 仰掇碧襟華 濯足玉天池  
鼓抱牽牛河 遂策景雲駕 落龍轡玄阿  
振衣塵澤際 鸞裳步濁波 願為山澤結  
剛柔順以和 相攜雙清內 上真道不邪

紫微會良謀 唱納享福多  
羲和書託取視之曰今以相贈以宣丹心  
勿云云也若意中有不相解者自可微訪耳  
紫微夫人曰我復因爾作一紙文以相曉者  
示一善事耳羲和又辟紙染筆夫人見受詩  
曰  
二象內外泮 玄氣果中分 冥會不待駕  
所期貴得真 南嶽鑄明金 眇觀傾笈笈  
良德飛霞照 遂感靈霄人 衆庭稠衾寢  
齊昨攜絳雲 仰歎天人際 數中自有緣  
上道誠不邪 塵滓非所聞 同目感恒象  
高唱為爾因  
書託紫微夫人取視視畢曰以此贈爾今日  
於我為因緣之主唱意之謀客矣  
紫微夫人又曰明日南嶽夫人當還我當與  
妃共迎之於雲際間明日不還者乃復數日  
事又良久紫微夫人曰我去矣明日當與真  
妃俱來詣爾也覺下牀而失所在也真妃小  
留在後而言曰冥情未摠意氣未忘想君俱  
誅之耳明日當復來乃取羲和手執之而自

下牀未出戶之間忽然不見  
六月二十六日夕衆真來疏如左  
紫微王夫人  
紫清上官九華真妃  
羲師紫陽真人  
上真司命南嶽夫人  
茅中君  
清靈真人  
茅小君  
又有一人年甚少整頓非常建芙蓉冠著朱  
衣以白珠綴衣縫帶劍都未嘗見此人來多  
論金庭山中事與衆真共語又有不可得解  
者揖敬紫微紫清南真三女真人共言平耳  
云是桐栢山真人王子喬也都不與羲和語  
又前後初有真人來見降者初時皆自不即  
與其羲和共語耳  
各坐良久紫清真妃曰欲復煩明君之手筆  
書一事以散意忘言可乎又羲和辟紙待受  
真妃乃徐微言而受曰我是元君之少女太  
虛李夫人愛子也昔初學真於龜臺受玉章

于高上荷虎錄於紫皇秉璣鏡於五帝受書  
爲上具之妃以遊行玉清也常數自手扇九  
羅足躡玄房青形靈虛仰擬日根入宴七闕  
出響雲輪躡三辰而俱昇散景霞以飛軒也  
非不能採擇上室訪搜紫童求玉宮之良儔  
偶高靈而爲雙接玄引奇友于帝卿矣直是  
我推機任會應度曆數俯景塵淒恭龍下邁  
招冥求之雄追得足之黨耳自宿命相典乃  
有默會定名素契玉卿齊理二慶攜鴈而行  
匏爵分味熊余結棠額疇中會內藏真方也  
推此而往已定分冥簡青書上元是故善鄰  
之心亦已齊矣對景之好亦已成矣得願而  
遊歡無苦旨豈不宜乎然此自復是二象大  
宗内外之配職耳實非所以變化反談救清  
虛刃靈刀七累還任太素保真啓玉清單景  
八空之謂也秀寂高清鬱鬱流霄使風歌雲  
路龍吟虎嘯天皇雙景速升長棲飛星擲九  
日月映軀口吐真烟眼電光上寢瑕房流  
行玉清手掣景雲足陟金庭若自此之時在  
得道之頃爲當固盡内外理同金石情纏雙

好齊心降懷耳美必抱余均年有輕中之接  
塵穢七神悲冤狂魄手蓋是委求氏族之於  
明君耳非有邪也今可謂忘懷真情已如一  
方當相與結駟玉虛偶行比玄同振絳寶於  
玉園併採丹華於蘭園分飲於紫川之水齊  
濯於碧池之瀨紫華毛被日冕容冠通道上  
清俱朝三元八景出落鳳徘徊龍臺仰歎金髓  
誦歌玉玄浮空寢宴高會太晨四鈞唱嘯香  
母奏烟齊首偶觀攜帶交群不亦樂乎不亦  
得志乎明君其願會妾心无辭且亦不得背  
實反真苟任肯懷矣  
受畢復自取視而言曰今以此書相詣蓋豁  
其滯疑耳言畢乃笑良久  
紫微夫人曰真妃之辭盡矣論好之緣著矣  
爾亦不得復有所容也玄還冥分使之然耳  
南嶽夫人見受書曰宜期數感玄運相適應  
分來聘親擇因緣此攜真之善事也蓋示有  
偶對之名定内外之職而已不必苟循世中  
之繁穢而行淫濁之迹矣偶靈妃而接景聘  
貴真之少女於是親交亦有大進業之益益

得而无傷絕之慮千神於是可使試觀不得  
復陳矣真終必可赴任雲軒必可俱駕也吾  
往曾因紫微夫人爲改違及此意今遂如願  
益使我欣欣復疑西於心霄矣  
我昨見金臺李夫人於清虛中言爾尚有疑  
正之心色氣小有恨恨改違此舉誤人不小  
真妃有神虎內真丹青玉文非爾所有者輩良  
才求寫故當不爲隱耳今日相攜何但文章而  
已將必乘景玉霄乎若有未悟者宜微訪可否  
真妃見夫人書言乃笑而言曰攜手雙童悟  
歎良會景輶同凡於此齊乎  
清靈真人受書曰黃赤之道混氣之法是張  
陵受教施化爲種子之一術耳非真人之事  
也吾數見行此而絕種未見種此而得生矣  
百萬之中莫不盡被考者矣千萬之中誤有  
一人得之得之遠至於不死耳張陵承此以  
教世耳陵之變舉亦不行此矣爾慎言濁生  
之下道壞真霄之正氣也思懷淫慾存心色  
貌而以無行上道者適足明三官罰耳所謂  
抱玉赴火以金棺葬狗也色觀謂之黃赤上



道謂之隱書人之難曉乃至於此

紫微夫人受書曰夫黃書赤界雖長生之秘要實得生之下術也非上宮天真流竒景之夫所得言也此道在於長養分生而已非上道也有懷於淫氣兼以行之隱書者適足挫水

官之輩焉三官之鼓耳玄挺亦不可得恃辭謝亦不可得賴也要而言之貞則靈降尊則神使矣夫真人之偶景者所貴存乎匹偶相愛在於二景雖名之為夫婦不行夫婦之迹也是月虛名以示視聽耳苟有貴亦存於肯

中真人亦不可得見靈人亦不可得接徒効勞於執事亦有勞於三官矣

雞鳴時南嶽夫人受書曰雞既鳴矣論好之緣焉也紫陽真人受書曰太虛遠逸高舉同接禮賢之義著之於冥運爾慎心係於黃亦

之疑

茅中君受書曰玄標觸景府和塵藹玉振微房清風逸邁可不易之

言畢諸真人各去真妃小留在後曰又煩明君為一辭也而受書曰忘懷簡素彈心齊契

方當款親度清宇德與流景合冥觀會理契領秀伏度明君高尚靈映縱滯忘鄙耳言畢而見持手而下牀承至尸之間忽然失所在六月二十九日九華真妃受書曰景應雙紫雲會玄落龍秀五空珠瓊閣堂長歌靈煥煥啓玉扉歟矣遺事與世長辭霞軀絳霞電赴紫樓共揚清響之外同遊靈岫廣虛豈不善乎豈不樂哉

日者霞之實霞者日之精君雖聞服日寶之法未見知食霞之精也夫食霞之經甚秘致霞之道甚易此謂體生玉光映上清之法也

眼者身之鏡耳者體之牖視多則鏡昏聽衆則牖閉未有磨鏡之石決牖之術即能微洞萬靈眇察絕響可乎

面者神之庭髮者腦之華心悲則面熱腦滅則髮素所以精元內喪丹津損竭也妾有重

面之經還白之法可乎

精者體之神明者身之寶勝多則精散體耗則明消所以老隨氣落耄已及之妾有益精之道延明之經可乎

此四道乃上清內書立驗之真章也方欲獻示以補助君之明照耳

受畢取以見與義和口答唯唯乞請之

六月二十九日桐栢真人同來降後受金義和書曰夫八朗四極靈岸遠遊奇言吐韻瓊

音聲振晨飛凌清玄氣赴霄體過玉虛心遺艱鋒洗滌於眇羅之外凝和於寂波之表若此人者必能遊騰玄漠同棲真庭矣三元可得而見絳名可得而立耳如其心併愆浪目擊色快動與世共落靜與爭競為分者此

乃通仙路遠求生日潤也于其慎之

義和書畢取視刀以見與六月三十日夜九華真妃與紫微王夫人南嶽夫人同降真妃坐良久乃命侍女發檢囊之中出二卷書以見付令寫之書題如左

上清玉霞紫映內觀隱書

上清還晨踏晝日輝中書

右二卷名目

七月一日夜紫微王夫人南嶽夫人九華真妃紫微桐栢消靈三真人茅二君同降良久

羲和乃自陳於衆靈求去身之術欲知貴賤之分年命之會多少定限於是其妃乃笑良久見受書此日明君美質虛閣松構王朗蘭淵高泥清響金宮可謂能珍寶藏奇幽其內煥標拂靈篇衆數順生衆德神園丹錄玉清典煙援景異鼓避聲也必三事大夫侍晨帝躬高佐四輔承制聖君理生斷死賞罰鬼神攝命千靈封山召雲主察陰陽之和氣而加爲具越鬼神之君也妾將挺命凝觀應華而生靈飛九天虛音聽房因運四覺玄梯同象素名太上清文八景神映西暉德朗內顯乃受書衆氣得爲真妃之法矣又當助君總括三霍絳御萬神對命北帝制勒鄧山又應相與攜扶虛房衆煙七元嘉會希林內攜因緣也是故君生於揚我得妾妾自發玄下造君自受書於西宮從北策衆衆軒輊旋旋衆觀粵制東蕃三官奉旨河山啓源天丁獻武四甲衛輪當此之時實明君之至貴真仙之盛觀也三官中常有芳謠云揚安大君童真令神正我等之謂耳蓋聖皇之方駕於今有二

十八年也後二十二年明君將乘龍駕雲白日昇天先詣上清西宮北朝玉皇三元然後乃得東軒執事矣此自是君玉朗紫微金音虛領爲太極所授乃玄德上提不復用勤學幼勞涉足山川矣若爲精易之者當小神清瑩鮮矣亦不甚今日不勞之舉也今世俗紫網貴賤之間涉塵塗之役在得失之津信非真人所待經營乃自坦乎艱難之用任乎過否之頃耳見明君之逸誠欣然也觀明君之否誠咸頽也此二感發於顏色之上也復未足以致遠悲抱長戚矣至於內冥偶景併守玄好輕輪塵蕩衆形世室委宣以愆累浮平少時之滯而虧辱於富貴之定質耶夫陰陽者對否泰之用二象既羅得失錯綜此皆往來之徑陌耳今人居風塵之休戚者乃多罪之下鬼趣死之考質也夫處元用於黃龍乃得真之提提任凡庸以內觀乃靈仙之根始也蓋富貴強僂是破骨之斧鋸有似載罪之舟車耳榮華矜世爭競邀時適足以誨惡要辱爲伐命之兵非佳事也是故古之高人覽

罪欲難預知富貴之不可享矣遂肥遯長林棲景名山咀嚼和氣漱濯清川欲遠此惡迹自求多福超躋經躬保全至素者也君亦奚足大汲汲於人間之貴賤投身於榮辱之肆哉且方交兵日會三灾向臻神風驟除臭氣衆天明金生穢於泥潰寶玉殺糞以招聖靈衆振血濁真虧真玄通遠還是其時也君若不可耐風火之煙欲抱真於幽林者且可尋解劍之道自盡出點之會隱顯之迹臨時分處有任於明君矣冥數上感有命而交靈書至臺真契合景是以言殫於辭心訖於筆妾宣獨歎於一人手蓋示名分之判例也書訖取以典義和復曰君省此當少愈不北登玄真閣 攜手結高羅 香煙散八景玄風鼓絳波 仰超琅函津 俯躬霄陵河玉簫雲上唱 鳳鳴洞九迴 衆氣浮太空局爲躡山河 金節命羽靈 微兵折萬魔齊抱二晨輝 千播方嬰牙 喪具投鏡室不解可奈何 仰躬太霞宮 金闕曜紫清華房映太素 四軒皆朱瓊 御輪空同津

總轡儼綠輶 玉華飛雲蓋 西妃運錦旌  
翻然塵濁涯 倏忽佳人庭 宿感應期降  
所招已在冥 乘風奏霄衷 共酣丹林甕  
公侯徒眇眇 安知真人靈

右二篇十月二十日授

附八

上

侍帝晨東華上佐司命揚君傳記

長春真人西遊記序

辟亮

長春子蓋有道之士中年以來意此老人固已飛昇變化侶雲將而交鴻濛者久矣恨其不可得而見也已卯之冬流聞師在海上被安車之徵明年春果次於燕駐車玉虛觀始得一識其面尸居而默立雷動而風行真異人也與之言又知博物洽聞於書無所不讀由是日益敬聞其風而願執弟子禮者不可勝計自二三遺老且樂與之游其餘可知也居無何有龍陽之行及使者再至始啓達而西將別道衆請還期語以三載時辛巳夾鍾之月也迨甲申孟陬師至自西域果如其旨識者歎異之自是月七日入居燕京大天長觀從疏請也噫今人將事行役出門傍徨有離別可憐之色師之是行也崎嶇數萬里之遠際版圖之所不載雨露之所弗濡雖其所以禮遇之者不為不厚然勞德亦甚矣所至輒徧徻容與以樂山水之勝賦詩談笑視死生若寒暑於其胸中曾不帶芥非有道者能如是手門人李志常役行者也撮其所歷而

為之記凡山川道里之險易水土風氣之差殊與夫衣服飲食百果草木禽蟲之別繁然靡不畢載目之曰西遊而徵序於僕夫以四海之大萬物之廣耳目未接雖有大智猶不能遍知而盡識也況四海之外者乎所可考者傳記而已僕謂是集之行不特新好事者之聞見又以知至人之出處無可無不可隨時之義云戊子秋后二日西溪居士孫錫序

長春真人西遊記卷上

門人真常子李 志常 述

父師真人長春子姓丘氏名履機字通家登州棲霞人未冠出家師事重陽真人既而住磻溪龍門十有三年真積力久學道乃成暮年還海上戊寅歲之前師在登州河南屢欲遣使徵聘事有齟齬遂已明年往萊州昊天觀夏四月河南提控遼郵使至邀師同往師不可使者携所書詩頌歸繼而復有使自大梁來道聞山東為宋人所據乃還其年八月江南大帥李公彭公來請不赴爾後隨慶往往邀請萊之主者難其事師乃言曰我之行止天也非若輩所及知當有留不住時去也居無何成吉思皇帝遣侍臣劉仲樸縣虎頭金牌其文曰如朕親行便宜行事及蒙古人二十輩傳旨教請師躊躇間仲樸曰師名重四海

皇帝特詔仲樸踰越山海不限歲月期必致之師曰兵革以來彼疆此界公冒險至此可謂勞矣仲樸曰欽奉君命敢不竭力仲樸今

年五月在乃滿國兀里朵得旨六月至白登北威寧得羽客常真諭七月至德興以居庸路梗燕京發士卒來迎八月抵京城道眾皆曰師之有無未可必也過中山歷真定風聞師在東萊又得益都府安撫司官吳燕蔣元始得其詳欲以兵五千迎師燕等曰京東之人聞兩朝議和衆心稍安今忽提兵以入必皆據險自固師亦將乘鋒海上矣誠欲事濟不必念也從之乃募自願者得二十騎以行將抵益都使燕元馳報其師張林林以甲士萬郊迎仲樸笑曰所以過此者為求訪長春真人君何以甲士為林於是散其卒相與接轡以入所歷皆以此語之人無駭謀林復給以駟騎次離州得尹公冬十有二月同至東萊傳皇帝所以宣召之旨師知不可辭徐謂仲樸曰此中艱食公等且往益都俟我上元照竟當遣十五騎來十八日即行於是宣使與衆西入益都師預選門弟子十有九人以俟其來如期騎至與之俱行由滹陽至青社宣使已行矣問之張林言正月七日有騎四

百軍于臨淄青民大駭宣使逆而止之今未聞所在師尋過長山及鄒平二月初屆濟陽寺庶奉香火迎拜于其邑南羽客長吟前導飯於養素庵會衆食曰先月十八日有鶴十餘自西北來飛鳴雲間俱東南去翌日辰巳間又有數鶴來自西南繼而千百焉或頌或頌獨一鶴拂庵盤桓乃去今乃知鶴見之日即師啓行之辰也皆以手加額留數日二月上旬宣使遣騎來報已駐軍將陵職舟以待明日遂行十三日宣使以軍來迎師曰未何暮對以道路榛梗特往燕京會兵東備信安西備常山仲樸親提軍取深州下武邑以闢路構橋於潭沱括舟於將陵是以遲師曰此事非公不克辦次日絕潭沱而北二十二日至瀘溝京官士庶僧道郊迎是日由麗澤門入道士具威儀長吟其前行省石抹公館師于玉虛觀自爾求頌乞名者日盈門凡士馬所至奉道弟子以師與之名往往脫欲弑之禍師之道蔭及人如此宣撫王巨川揖上詩師荅云旌旗獵獵馬蕭蕭北望燕山度石橋



萬里欽行沙漠外三春遽別海山遙長朋出塞同歸鴈破帽經霜更續貂一自玄元西去後到今無似北庭招師開行宮漸西春秋已高倦冒風沙欲待駕迴朝謁又仲擇欲以選處女偕行師難之曰齊人獻女樂孔子去魯余雖山野豈與麀子同行哉仲擇乃令局刺馳秦師亦遣人奉表一日有人求跋開立本太上過關圖題蜀郡西遊日函關東別時群胡皆稽首大道復開基又以二偈示衆其一云離亂朝還暮輕狂古到今空華空寂念若有若無心其二云觸情常決烈非道莫參差忍辱調猿馬安閑度歲時四月上旬會衆請望日醮於天長師以行辭衆請益力曰今茲兵革未息遺民有幸得一覩真人蒙道廕者多矣獨死者冥冥長夜未沐薦拔遺恨不無耳師許之時方大旱十有四日既啓醮事雨大降衆且以行禮爲憂師於午後趁壇將事俄而聞霹靂衆喜而歎曰一雨一晴隨人所欲非道高德厚者感應若是乎明日師登寶玄堂傳戒時有數鶴自西北來人皆仰之焚簡

之際一闌飛空而滅且有五鶴翔舞其上士大夫咸謂師之至誠動天地南唐老人張天度子真作賦美其事諸公皆有詩醮竟宣使劉公從師北行道出居庸夜遇群盜于其北皆稽顙以退且曰無驚父師五月師至德興龍陽觀度夏以詩寄燕京士大夫云登真何在泛靈樞南北東西自有嘉碧落雲峰天景致滄波海市雨生涯神將八極空雖遠道合三清路不差弱水縱過三十萬騰身頃刻到仙家時京城吾道孫周楚御楊彪仲文師謂才卿李士謙子進劉中用之陳時可秀玉吳章德明趙中立正卿王銳威卿趙昉德輝孫錫天錫此數君子師寓玉虛日所與唱和者也王觀逢辰王直哉清甫亦與其遊觀居禪房山之陽其山多洞府常有學道修真之士棲焉師因契衆以遊初入峽門有詩云入峽清遊分外嘉群峰列岫戟查牙蓬萊未到神仙境洞府先觀道士家松塔倒懸秋雨霽石樓斜照晚雲霞卻思舊日終南地夢斷西山不見涯其地夾壑勢傾東南一望三百餘里觀

之東數里平地有湧泉清冷可愛師往來其間有詩云午後迎風背日行遙山極目亂雲橫萬家酷暑熏腸熱一派寒泉入骨清北地往來時有信東臯遊戲俗無爭耕夫牧豎堤陰生溪邊浴罷林間生散髮披襟暢道情中元日本觀醮午後傳符授戒老幼露坐熱甚悉苦之須臾有雲覆其上狀如圓蓋移時不散衆皆喜躍讚歎又觀中井水可給百衆至是踰千人執事者謀他汲前後三日井泉忽溢用之不竭是皆善緣天助之也醮後題詩云太上弘慈救萬靈衆生薦福藉群經三田保護精神氣萬象欽崇日月星自揣肉身潛有漏難逃科教入無形且遵北斗齋儀法南斗北斗皆論齊漸陟南宮火煉庭八月初應宮德州元帥移刺公請遂居朝元觀中秋夜有賀聖朝二曲其一云斷雲歸岫長空凝翠寶鑑初圓大光明弘照亘流沙外直過西天人間是處夢魂沈醉歌舞華筵道家門別是一般清暗開悟心田其二云洞天深處良朋高會逸興無邊上丹霄飛至廣寒宮悄

擲下金錢靈虛晃耀騰魔奔逆玉兔嬋娟生  
忘機觀逸本來真任法界周旋是後天氣清  
廟靜夜安閑優作三絕云長河耿耿夜深深  
寂寞寒窓萬慮沈天下是非俱不到安閑一  
片道人心其二云清夜沈沈月向高山河大  
地絕纖毫唯餘道德渾渾性上下三天一萬  
遭朝元觀據州之乾陽功德至元帥移刺公  
因師欲北行躬構堂殿奉安尊像前後雲房  
洞室皆一新之十月間方繪祖師堂壁畫史  
以其寒將止之師不許曰鄒律尚且迴春况  
聖賢陰有所扶持邪是月果天氣溫和如春  
絕無風沙由是畫史得畢其功有詩云李秋  
遠朔苦寒同走石吹沙振大風旆屬翅垂南  
去急行人心倦北征窮我來十月霜猶薄人  
訝千山水尚通不是小春和氣暖天教成就  
畫堂功尋阿里鮮至自幹展大王帳下使來  
請師繼而宣撫王公巨川亦至日永大王鈞  
旨如師西行請過我師首肯之是月北遊望  
山曷刺進表迴有詔曰成吉思皇帝勅真人  
立師又曰惟師道踰三子德重多方其終曰

雲軒既發於蓬萊鶴馭可遊於天竺達磨東  
邁元印法以傳心老氏西行或化胡而成道  
顧川途之難闊瞻几杖以非遙爰咨來章可  
明朕意秋暑師比平安好指不多及其見重  
如此又勅劉仲標云無使真人飢且勞可扶  
持緩緩來師與宣使議曰前去已寒沙路縣  
遠道衆所須未備可往龍陽乘春起發宣使  
從之十八日南往龍陽道交送別多泣下師  
以詩示衆云生前暫別猶然可死後長離更  
不堪天下是非心不定輪迴生死苦難甘翌  
日到龍陽觀過冬十一月十有四日起龍巖  
寺齋以詩題殿西廡云杖藜欲訪山中客空  
山沉沉淡無色夜來飛雪滿巖阿今日山光  
映天白天高日下松風清神遊八極騰虛明  
欲駕山家本來面道人活計無能名十二月  
以詩寄燕京道友云此行真不易此別話應  
長北踏野林嶺西窮天馬卿陰山無海市白  
草有沙場自嘆非玄聖何如歷大荒又云京  
都若有餞行詩早寄龍陽出塞時昔有上牀  
鞋履別今無發軔夢魂思復寄燕京道友云

十年兵火萬民愁千萬中無一二留去歲幸  
逢恩詔下今春須合冒寒遊不辭嶺北三千  
里皇帝眷元星多仍命山東二百州窮急漏  
誅殘喘在早教身命得消憂幸已之上元臘  
於宣德州朝元觀以頌云衆云生下一團腥  
臭物種成三界是非魔連枝帶葉無窮勢跨  
古騰今不奈何以二月八日啓行時天氣晴  
霽道交餞行於西郊遮馬首以泣曰父師去  
萬里外何時復獲瞻禮師曰但若輩道心堅  
固會有日矣衆復泣請果何時邪師曰行止  
非人所能爲也燕遠游異域其適合與不合  
未可必也衆曰師豈不知願預告弟子等度  
不獲已乃重言曰三載歸三載歸十日宿翠  
幘口明日北度野林嶺登高南望俯視太行  
諸山晴嵐可愛北顧但寒沙衰草中原之風  
自此隔絕矣道入之心無適不可求德方華  
指戰場白骨曰我歸當薦以金錄此亦余北  
行中一端因緣耳北過撫州十五日東北過  
蓋里泊畫立垣賊固地始見人煙二十餘家  
南有盟池迤邐東北去自此無河多鑿沙井

以汲南北數千里亦無大山馬行五日出明昌界以詩紀實云坡陀折疊路彎環到處鹽場死水滯晝日不逢人過往經年時有馬迴還地無木植唯荒草天產丘陵沒大山五穀不成資乳酪皮裘毡帳亦開類又行六七日忽入大沙陀其蹟有矮榆大者合抱東北行千里外無沙處絕無樹木三月朔出沙陀至魚兒濼始有人煙聚落多以耕釣為業時已清明春色渺然凝冰未泮有詩云北陸和寒自古稱沙陀三月尚凝冰更尋若士為黃鶴要識修鯢化大鵬蘇武北還愁欲死李陵南望去無憑我今返學盧敖志六合窮觀最上象三月五日起之東北四旁遠有人煙皆黑阜白帳隨水草放牧盡原隰之地無復寸木四望唯黃雲白草行不改途又二十餘日方見一沙河西北流入陸局河水濡馬腹傍多叢柳渡河北行三日入小沙陀四月朔至幹辰大王帳下水始泮草微萌矣時有婚嫁之會五百里內首領皆載馬墮助之皂車總帳成列數千七日見大王問以延生事師謂須

齋戒而後可聞約以望日授受至日雪大作遂已大王復曰上遣使萬里請師問道我曷敢先焉且諭阿里鮮見畢東還須奉師過此十七日大王以牛馬百數車十乘送行馬首西北二十二日抵陸局河積水成海周數百里風浪漂出大魚蒙古人各得數尾並河南岸西行時有野蔬得食五月朔亭午日有食之既象星乃見須臾復明時在河南岸自西南生白東北其地朝涼而暮熱草多黃花水流東北兩岸多高柳蒙古人取之以造廬帳行十有六日河勢逶迤西北山去不得窮其源西南接魚兒濼驛路蒙古人喜曰年前已聞父師來因獻黍米石有五斗師以手掬酬之渠喜曰未嘗見此物因舞謝而去又行十日夏至量日影三尺六七寸漸見大山峭拔從此以西漸有山阜人煙頗衆亦皆以黑車白帳為家其俗牧且獵衣以韋毳食以肉酪男子結髮垂兩耳婦人冠以桦皮高二尺許往往以皂褐籠之富者以紅錦其末如鴉嘴名曰故故大忌人觸出入廬帳須低回俗無

文籍或約之以言或刻木為契遇食同享難則爭赴有命則不辭有言則不易有上古之遺風焉以詩敘其實云極目山川無盡頭風煙不斷水長流如何造物開天地到此令人放馬牛飲血茹毛同上古義冠結髮異中州聖賢不得垂文化歷代縱橫只自由又四程西北渡河乃平野其旁山川皆秀麗水草且豐美東西有故城基址若新街衙巷陌可辨制作類中州歲月無碑刻可考或云契丹所建既而地中得古瓦上有契丹字蓋遼亡士馬不降者西行所建城邑也又言西南至尋思干城萬里外四統國最佳處契丹都焉歷七帝六月十三日至長松嶺後宿松栢森森千雲蔽日多生山陰澗道間山陽極少十四日過山度淺河天極寒雖壯者不可當是夕宿平地十五日晚起環帳皆薄冰十七日宿嶺西時初伏矣朝暮亦有水霜已三降河水有漸冷如嚴冬土人云常年五六月有雪今歲幸晴暖師易其名曰大寒嶺凡遇雨多電山路盤曲西北且百餘里既而復西北始見



平地有石河長五十餘里岸深十餘丈其水清冷可愛聲如鳴玉峭壁之間有大蔥高三四尺澗上有松皆十餘丈西山連延上有喬松鬱然山行五六日峰迴路轉林密水茂下有溪水注焉平地皆松樺雜木若有人煙狀尋登高嶺勢若長虹壁立千仞俯視海子淵深恐人二十八日泊窩里朵之東宮侯先往奏稟皇后奉旨請師渡河其水東北流洑漫沒軸絕流以濟入營駐車南岸車帳千百日以醍醐澶酪為供漢夏公主皆送寒具等食忝米斗白金十兩滿五十兩可易麵八十斤蓋麵出陰山之後二千餘里西域賁胡以橐駝負至也中伏帳房無蠅窩里朵漢語行宮也其車與亭帳望之儼然古之大單于未有若此之盛也七月九日同宣使西南行五六日屢見山上有雪山下往往有墳墓及升高陵又有祀神之跡又三二日歷一山高峰如削松杉鬱茂西有海子南出大峽則一水西流雜木叢映於水之陽蘼茂如芳草夾道連數十里北有故城曰曷刺育西南過沙場二

十里許水草極少始見回紇決渠灌麥又五六日踰嶺而南至蒙古營宿拂旦行過遼南山望之有雪因以詩記其行當時悉達悟室晴發軔初乘燕子城撫州是也北至大河三月數即陸河也四月至約二千餘里西臨積雪半年程即此地也山常有雪東至陸局河約五千里七月至則不能隱地迴風坐道法有迴風隱地舉手藏天之術卻使彌天逐日行行到水窮山盡處斜陽依舊向西傾鄰人告曰此雪山北是田鎮海八刺喝孫也八刺喝孫漢語為城中有倉廩故又呼曰倉頭七月二十五日有漢民工匠絡繹來迎悉皆歡呼歸禮以彩幡華蓋香花前導又有章二妃曰徒單氏曰夾谷氏及漢公主母欽聖夫人素氏號泣相迎顧謂師曰昔日檢閱道德高風恨不一見不意此地有緣也翌日阿不罕山北鎮海來謁師與之語曰吾壽已高以皇帝二詔丁寧不免遠行數千里方臨治下沙漠中多不以耕耘為務喜見此間扶稼已成余欲於此過冬以待饗與之迴何如宣

使曰父師既有法旨仲祿不敢可否惟鎮海相公度之公曰近有勅諸處官負如遇真人經過無得稽其程蓋欲遠見之也父師若需於此則罪在鎮海美顏親從行凡師之所用敢不備師曰因緣如此當卜日行公曰前有大山高峻廣澤沮滯非車行地宜減車從輕騎以進用其言留門弟子宋道安輩九人選地為觀人不召而至壯者効其力匠者効其技富者施其財聖堂方丈東廚西廡左右雲房無瓦冒土木不一月落成榜曰棲霞觀時稷黍在地八月初霜降居人促收麥霜故也大風傍北山西來黃沙蔽天不相物色師以詩自嘆云丘也東西南北人從來失道之風塵不堪白髮垂垂老又踏黃沙遠遠巡未死且今觀世界殘生無分樂天真四山五嶽都遊徧八表飛騰後入神八日携門人虛靜先生趙九古輩十人從以二車蒙古驛騎二十餘傍大山西行宣使劉公鎮海相公又百騎李家奴鎮海從者也因曰前此山下精微我腦後髮我甚恐鎮海亦云乃滿國王亦曾在



此為山精所惑食以佳饌師然而不答西南約行三日復東南過大山經大峽中秋日抵金山東北少駐復南行其山高深谷長坂車不可行三太子出軍始開其路乃命百騎挽繩縣轅以上縛輪以下約行四程連度三嶺南出山前臨河止泊從官連幕為營因水草便以待鋪牛驛騎數日乃行有詩三絕云八月涼風爽氣清那堪日暮碧天晴欲吟勝槩無才思空對金山皓月明其二云金山南面大河流曲盤桓實素秋秋水暮天山月上清吟獨肅夜光毳其三云金山雖大不孤高四面長拖拽脚牢橫截大山心腹樹千雲蔽日競呼號渡河而南前經小山石雜五色其旁草木不生首尾七十里復有二紅山當路又三十里賊國地中有一小沙井因駐程挹水為食傍有青草多為羊馬踐履宣使與鎮海議曰此地最難行處相公如何則可公曰此地我知之矣矣同往諮師公曰前至白骨甸地皆黑石約行二百餘里連沙陀北邊頗有水草更涉大沙陀百餘里東西廣袤不

知其幾千里又回紇城方得水草師曰何謂白骨甸公曰古之戰場凡疲兵至此十無一還死地也頃者乃滿大勢亦敗于是遇天晴畫行人馬往往因斃晝暮起夜度可過其半明日向午得及水草矣少憩俟哺時即行當度沙嶺百餘里若舟行巨浪然又明日辰巳間得達彼城矣夜行良便但恐天氣黯黑魑魅魍魎為祟我輩常逢血馬首以厭之師乃笑曰邪精妖鬼逢正人遠避書傳所載其孰不知道人家何憂此事日暮遂行牛之皆道棄之馭以六馬自備不復用牛矣初在沙陀北南望天際若銀霞問之左右皆未詳師曰多是陰山豈日過沙陀過郊者再問之皆曰然於是途中作詩云高如雲氣白如沙遠望那知是眼花漸見山頭堆玉屑遠觀日腳射銀霞橫空一字長千里照地連城及萬家從古至今常不壞吟詩寫向直南誇八月二十七日抵陰山後回紇郊迎至小城北酋長設蒲萄酒及名果大餅彈葱梨波斯布人一尺乃言曰此陰山前三百里和州也其地大熱蒲萄

至翌日沿川西行歷二小城皆有居人時禾麥初熟皆賴泉水澆灌得有秋少雨故也西即驚思馬大城王官士庶僧道數百具威儀遠迎僧皆緒衣道士衣冠與中國特異泊于城西蒲萄園之上間時回紇王部族勸蒲萄酒供以異花雜果名香且列侏儒僂僂皆中州人士庶日益敬待坐者有僧道儒因問風俗乃曰此大唐時北庭瑞府景龍三年揚公向為大都護有德政諸夷心服惠及後人于今賴之有龍典西寺二石刻在功德煥然可觀寺有佛書一藏唐之邊城往往尚存其東數百里有府曰西涼共西三百餘里有縣曰輪臺師問曰更幾程得至行在皆曰西南更行萬餘里即是其夜風雨作園外有大樹復出一篇示眾云夜宿陰山下陰山夜寂家長空雲黯黯大樹葉蕭蕭萬里途程遠三冬氣候韶全身都放下一任斷蓬飄九月二日西行四日宿輪臺之東迭屑頭目來迎南望陰山三峰突兀倚天因述詩贈書生李伯祥生相人詩云三峰並起插雲寒四壁橫陳遠

澗盤雪橫界天人不到冰池耀日俗難觀人云向此冰池之間觀者則魂攝魄凝深可避刀兵害其嚴險固達亂世堅守則得免其難水泉能滋稼穡軋下有泉源可以灌溉四禾黍歲秋成名鎮北方為第一無人罵向畫圖看又歷二城重九日至回紇昌八刺城其王畏千兒與鎮海有舊率諸部族及回紇僧皆遠迎既入齋于臺上泊其夫人勸蒲萄酒且獻西瓜其重及秤甘瓜如枕許其香味蓋中國未有也國蔬同中國有僧來侍坐使譯者問看何經典僧云剃度受戒禮佛為師蓋此以東皆屬唐故西去無僧道回紇但禮西方耳翌日並陰山而西約十程又度沙場其沙細過風則流狀如驚濤乍聚乍散寸草不萌車陷馬滯一晝夜方出蓋白骨甸大沙分流也南際陰山之麓踰沙又五日宿陰山北詰朝南行長坂七八十里抵暮乃宿天甚寒且無水晨起西南行約二十里忽有大池方圓幾二百里雪峰環之倒影池中師名之曰天池沁池正南下左右峰巒峭拔松樺陰森

高踰百尺自巔及麓何啻萬株衆流入峽奔騰洶湧曲折灣環可六七十里二太子扈從西征始鑿石理道刊木為四十八橋橋可並車薄暮宿峽中翌日方出入東西大川水草豐秀天氣似春稍有桑棗次及一程九月二十七日至阿里馬城鋪連滿國王暨蒙古荅刺忽只領諸部人來迎宿於西果園土人呼果為阿里馬蓋多果實以是名其城其地出帛目曰禿鹿麻蓋俗所謂種羊毛織成者時得七束為禦寒衣其毛類中國柳花鮮絮細軟可為線為繩為帛為綿農者亦決渠灌田土人唯以瓶取水戴而歸及見中原汲器喜曰桃花石諸事皆巧桃花石謂漢人也師自金山至此以詩記其行云金山東畔陰山西千巖萬壑橫深溪淺澗亂石當道卧古今不許通輪蹄前年軍興二太子修道架橋徹溪水三太子登金山二太子登陰山今年吾道欲西行車馬喧闐復經此銀山鐵壁千為重爭頭競角誇清雄日出下觀滄海近月明上與天河通參天松如筆管直森森動有百餘

八萬株相倚鬱蒼蒼一鳥不鳴空寂寂羊腸孟門壓太行比斯大略猶尋常雙車上下苦敦賴百騎前後多驚惶天池海在山頭上百里鏡空含萬象縣車東馬西下山四十八橋低萬丈河南海北山無窮千變萬化規模同未若茲山太奇絕磊落峭拔加神功我來時當八九月半山已上皆為雪山前草木暖如春山後衣衾冷如鐵連日所供勝前又西行四日至荅刺連沒輦改單河也水勢深闊抵西北流從東來截斷陰山河南復是雪山十月二日乘舟以濟南下至一大山北有一小城又西行五日宣使以師奉詔來去行在漸邇先往馳奏獨鎮海公從師西行七日度西南一山達東夏使矩禮師於帳前因問來自何時使者曰自七月十二日辭朝帝將兵追算端汗至印度明日遇大雪至回紇小城雪盈尺日出即消十有六日西南過板橋渡河晚至南山下即大石林牙大石林牙小石林牙其國王遼後也自金師破遼大石林牙領衆數千走西北移徙十餘年方至此地其風

土氣候與金山以北不同平地頗多以農桑  
為務釀蒲萄為酒果實與中國同惟經夏秋  
無雨皆疏河灌既百數月成東北西南左山  
右川延袤萬里傳國幾百年乃滿失國後大  
石士馬復振盜據其土繼而并端西削其地  
天兵至乃滿尋滅并端亦亡又開前路多阻  
適壞一車遂留之十有八日沿山而西七八  
日山忽南去一石城當途石色畫赤有駐軍  
古跡西有大塚若斗星相聯又渡石橋並西  
南山行五程至塞藍城有小塔回紇王來迎  
入館十一月初連日雨大作四日土人以為  
年旁午相賀是日虛靜先生趙九古語尹公  
曰我隨師在宣德時覺有長往之兆頗倦行  
役嘗蒙師訓道人不以死生動心不以苦樂  
介懷所適無不可令歸期將至公等善事父  
師數日示疾而逝蓋十一月五日也師命門  
弟子堯九古于郭東原上即行西南復三日  
至一城其王亦回紇年已耄矣備迎送禮供  
以湯餅明日又歷一城復行二日有河是為  
霍闊沒輦由浮橋渡泊於西岸河橋官獻魚

於田相公巨口無鱗其河源出東南二大雪  
山間色渾而流急深數丈勢傾西北不知其  
幾千里河之西南絕無水草者二百餘里即  
夜行復南望大雪山而西山形與邪米干之  
南山相首尾復有詩云造物呼喚不可名東  
西羅列自天成南橫玉嶠連峰峻北壓金沙  
帶野平下枕泉源無極澗上通霄漢有餘清  
我行萬里慵開口到此狂吟不勝情又至一  
城得接水草復經一城回紇頭目遠迎飯于  
城南獻蒲萄酒且使小兒為緣竿舞刀之戲  
再經二城山行半日入南北平川宿大桑樹  
下其樹可蔭百人前至一城臨道一井深踰  
百尺有回紇吏驅一牛挽轆轤汲水以飲渴  
者初帝之西征也見而異之命竭其賦役仲  
冬十有八日過大河至邪米思干大城之北  
太師移刺國公及蒙古回紇帥首戴酒郊迎  
大設帷幄因駐車焉宣使劉公以路梗留坐  
中白師曰頃知千里外有大河以舟梁渡土  
寇壞之况復已及係冬父師似宜來春朝見  
師從之少焉由東北門入其城因襟岸為之

秋夏常無雨國人疏二河入城分達巷陌比  
屋得用方算端氏之未敗也城中常十萬餘  
戶國破而幸存者四之一其中大率多回紇  
人田園自不能主須附漢人及契丹河西等  
其官長亦以諸色人為之漢人工匠雜處城  
中有岡高十餘大算端氏之新宮據焉太師  
先居之以回紇艱食盜賊多有恐其變出居  
于水北師乃往宮嘆曰道人任運逍遙以度  
歲月白刃臨頭猶不畏懼况盜賊未至復預  
憂乎且善惡兩途必不相害從者安之太師  
作齋獻金段十師辭不受遂月奉未麵鹽油  
果菜等物日益尊敬公見師飲少請以蒲萄  
百斤新作釀師曰何必酒邪但如其數得之  
待賓客足矣其蒲萄經冬不壞又見孔雀大  
象皆東南數千里印度國物師因暇日出詩  
一篇云二月經行十月終西臨回紇大城墉  
塔高不見十三級以觀刻鏤玲瓏外無層級  
內可通行山厚已過千萬重秋日在郊猶放  
象夏雲無雨不從龍嘉蔬麥飯蒲萄飽食  
安眠養素慵師既住冬宣使洎相公鎮海達



曷刺等同一行使臣領甲兵數百前路偵伺漢人往往來歸依特有算曆者在旁師因問五月朔日食事其人云此中辰時食至六分止師曰前在陸局河時午刻見其食既又西南至金山人言已時食至七分此三處所見各不同按孔穎達春秋疏曰體映日則日食以今料之蓋當其下即見其食既在旁者則千里漸殊耳正如以扇翳燈扇影所及無復光明其旁漸遠則燈光漸多矣師一日故官中遂書鳳樓梧詞二首于壁其一云一點靈明潛啓悟天上人間不見行藏處四海八荒唯獨步不空不有誰能親瞬目揚眉全體露混混茫茫法界超然去萬劫輪迴遭一過九玄齊上三清路其二云日月循環無定止春去秋來多少榮枯事五帝三皇千百禩一興一廢長如此死去生來生復死死輪迴變化何時已不到無心休歇地不能清淨超於彼又詩二首其一云東海西秦數十年精思道德究重玄日中一食那求飽夜半三更強不眠實跡未諧霄漢舉虛名空播朔方傳且

教大國垂明詔萬里風沙走極邊其二云弱冠尋真傍海濱中年遺跡龍山高河南一別昇黃鶴塞北重宣釣巨鼇無極山川行不盡有為心跡動成勞也知六合三千界不得神通未可逃是年閏十二月將終休弱迴同宣使來白父師言太子發軍復整舟梁土冠已滅曷刺等詣營謁太子言師欲朝帝所復承命云上駐蹕大雪山之東南今則雪積山門百餘里深不可行此正其路爾為我詣師來此聽候良便來時當就彼城中遣蒙古軍護送師謂宣差曰聞河以南千里絕無種養吾食須米麵蔬菜可迴報太子帳下壬午之春正月把攬始華類小桃俟秋採其實食之味加胡桃二月二日春分杏花已落司天臺判李公輩請師遊郭西宣使洎諸官載蒲萄酒以從是日天氣晴露花木鮮明隨處有臺池樓閣間以蔬園慈則藉草人皆樂之談玄論道時復引觴日晏方歸作詩云陰山西下五千里大石東過二十程雨霽雪山遙慘淡春分河府近清明題名忘千大城大石有國時名為河

中庸園林寂寂鳥無語花木雖茂並無飛禽風日遲遲花有情同志暫來閑睥睨高吟歸去待昇平望日乃一百五旦太上真元節也時僚屬請師復遊郭西園林相接百餘里雖中原莫能過但寂無鳥聲耳遂成二篇以示同遊其一云二月中分百五期玄元下降日遲遲正當月白風清夜更好雲收雨霽時市地園林行不盡照天花木坐觀奇未能絕粒成嘉遁且向無為樂有為其二云深蕃古跡尚橫陳大漢良朋欲徧巡舊日亭臺隨處列向年花卉逐時新風光甚鮮留連客夕照那堪斷送人竊念世間酬短景何如天外飲長春三月上旬阿里鮮至自行宮傳旨云真人來自日出之地跋涉山川勤勞至矣今朕已廻亟欲聞道無倦迎我次諭宣使仲樞曰尔持詔徵聘能副朕心佗日當置汝善地復諭鎮海曰汝護送真人來甚勤余惟汝嘉仍敕萬戶播魯只以甲士千人衛過鐵門師問阿里鮮以途程事對曰春正月十有三日自此初發馳三日東南過鐵門又五日過大河二



月初吉東南過大雪山積雪甚高馬上舉鞭  
測之猶未及其半下所踏者復五尺許南行  
三日至行宮矣且師至次第奏訖上說留數  
日方迴師遂留門人尹公志平輩三人于館  
以待行五六人同宣使輩三月十有五日啓  
行四日過碣石城預傳

聖旨令萬戶播魯只領蒙古回紇軍一千護  
送過鐵門東南度山山勢高大亂石縱橫衆  
軍挽車兩日方至山前沿流南行軍即北入  
大山破賊五日至小河亦船渡兩岸林木茂  
盛七日舟濟大河即阿母沒筆也乃東南行  
晚泊古渠上渠邊蘆葦滿地不類中原所有  
其大者經冬葉青而不凋因取以為杖夜橫  
棘下棘覆不折其小者葉枯春換少南山中  
有大實心竹士卒以為戈戟又見蜴蜥皆長  
三尺許色青黑時三月二十九日也因作詩  
云志道既無成天魔深有懼東歸海上來西  
望日邊去鷄犬不聞聲馬牛更遶鋪千山及  
萬水不知是何處又四日得達行在上達大  
臣喝刺播得來迎時四月五日也館舍定即

入見上勞之曰佗國徵聘皆不應今達翰萬  
里而來朕甚嘉焉對曰山野詔而赴者天也  
上悅賜坐食次問真人遠來有何長生之藥  
以資朕乎師曰有衛生之道而無長生之藥  
上嘉其誠實設二帳於御幄之東以居焉譯  
者問曰人呼師為騰吃利蒙古孔譯謂天  
人也自謂之邪人稱之邪師曰山野非自稱  
人呼之耳譯者再至曰舊吳呼奏以山野四  
人事重陽師學道三子羽化矣唯山野處世  
人呼以先生上問鎮海曰真人當何鎮鎮海  
奏曰有人尊之曰師父者真人者曰神仙者  
上曰自今以往可呼神仙時適炎熱從車駕  
廬於雪山避暑上約四月十四日問道外使  
田鎮海劉仲祿阿里鮮記之內使近侍三人  
記之將及期有報回訖山賊指斥者上欲親  
征因改卜十月吉師乞還舊館上曰再來不  
亦勞乎師曰兩旬可矣上又曰無護送者師  
曰有宣差揚阿狗又三日命阿狗督回訖首  
長以千餘騎從行由佗路迴達歷大山山有  
石門望如削端有巨石橫其上若橋焉其下

流甚急騎士策其驢以涉驢遂溺死水達尚  
多橫屍此地蓋關口新為兵所破出峽復有  
詩二篇其一云水北鐵門猶自可水南石峽  
太堪驚兩崖絕壁攪天撐一洞寒波滾地傾  
夾道橫屍人掩鼻溺溪長耳我傷情十年萬  
里千戈動早晚迴軍復太平其二云雪嶺  
喧上倚天晨光燦燦下臨川仰觀峭壁人橫  
度俯視危崖柁倒縣五月嚴風吹面冷三鴈  
熱病當時瘥我來演道空回首更卜良辰待  
下元始師來觀三月竟草木繁盛羊馬皆肥  
及奉詔而回四月終矣百草悉枯又作詩云  
外國深著事莫第陰陽氣候特無從纔經四  
月陰魔盡春來霖雨四月北陽絕無雨卻早  
彌天旱魃凶浸潤百川當九夏以水微回摧  
殘萬草若三冬我行往復三千里三月去五  
月四不見行人帶雨容路達征西人回多獲  
珊瑚有德官以白金二鎰易之近五十株高  
者尺餘以其得之馬上不能完也繼日乘涼  
宵征五六日達邪米思干大石名河中諸  
官迎師入館即重午日也